



Adresa: **Ul.H.Čemerlića 39A**  
71000 Sarajevo  
<http://www.voda.ba>

tel. +387 33 726 410  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-1-40-386-5/25**

Datum: **29.09.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica „BINGO“ d.o.o. Tuzla za donošenje rješenja o prethodnoj vodnoj saglasnosti za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada punionice tečnih deterdženata sa skladištem unutar postojeće fabrike DITA, Grad Tuzla, na osnovu člana 139. stav (1) tačka 3. i član 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

### **RJEŠENJE** **o prethodnoj vodnoj saglasnosti**

1. Pravnom licu „BINGO“ d.o.o. Tuzla daje se prethodna vodna saglasnost za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada punionice tečnih deterdženata sa skladištem unutar postojeće fabrike DITA, Grad Tuzla, na parcelama označenim kao k.č. br. 15/1, 15/2, dio 72/1 i dio 72/3 K.O. Husino, u postupku pribavljanja urbanističke saglasnosti za izgradnju objekta.
2. Prethodna vodna saglasnost daje se u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod slijedećim uslovima:
  - 4.1. Izraditi investiciono tehničku dokumentaciju za ispuštanje tehnoloških otpadnih voda sa lokacije punionice tečnih deterdženata sa skladištem unutar postojeće fabrike DITA, Grad Tuzla. Investiciono-tehnička dokumentacija mora biti urađena na nivou projekta za pribavljanje odobrenja za građenje.
  - 4.2. Investiciono-tehnička dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») a u skladu sa odredbama Zakona o vodama i treba da obradi sva pitanja definisana članom 5. Pravilnika o sadržaju, obliku, uvjetima i načinu izdavanja i čuvanja vodnih akata, koja su bitna za konkretan slučaj («Službene novine Federacije BiH, broj 31/15, 55/19, 41/20 i 63/22), a naročito:
    - Proračun količina voda za predmetnu aktivnost, potrebne količine sanitarne vode, količina voda sa manipulativnih, saobraćajnih i parking površina i sl.;
    - Tehničko rješenje skladištenja i postupanja sa opasnim materijama i otpadom nastalim na predmetnom lokalitetu;
    - Posebno obraditi način skladištenja i pretakanja hemikalija (Natrijum hidroksida u rastvoru 48-50%) i gotovog proizvoda, vodeći računa o primjeni mjera za prevenciju i smanjenje negativnog uticaja istih na podzemne i površinske vode;
    - Na preglednoj situaciji prikazati cjelokupan lokalitet sa planiranim objektima (poslovni objekat, manipulativni i parking prostor, uređaj za prečišćavanje otpadnih voda i sanitarno-fekalnih otpadnih voda, mjesto ispuštanja);
    - Dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda mora biti naznačen na situaciji adekvatne razmjere;
    - Proračun kvantitativnih i kvalitativnih karakteristika otpadnih voda iz predmetnog objekata, pratećih objekata, saobraćajnih, parking i manipulativnih površina;

- Aktuelni izvod iz sudskog registra matični broj upisa subjekta: 1-5356 od 03.04.2025. godine izdat od strane Općinskog suda u Tuzli - ovjerena kopija,
- Uvjerenje o poreznoj registraciji od 05.02.2013. godine izdato od strane Kantonalnog poreznog ureda Tuzla-ovjerena kopija,
- Zemljišnoknjižni izvadak Katastarska opština Husino, broj: 132492025 Zemljišnoknjižni uložak broj: 616 izdat od strane Općinskog suda u Tuzli – ovjerena kopija,
- Kopija katastarskog plana, UR. Broj: 07-27-6626/2025-3 od 08.09.2025. godine izdata od strane Službe za geodetske i imovinsko pravne poslove, Grad Tuzla – ovjerena kopija,
- Izvod iz posjedovnog lista broj 1678 broj: 07-27-6626/25-2 od 08.09.2025. godine izdat od strane Službe za geodetske i imovinsko pravne poslove, Grad Tuzla-ovjerena kopija,
- Zahtjev za izvod iz prostornog plana broj: 06/18-19-327/2025 SR od 10.01.2025. godine od strane Službe za prostorno uređenje i zaštitu okoline, Grad Tuzla,
- Punomoć/ovlaštenje broj BN 176/25 od 08.09.2025 godine za Hajdarević Mirzu iz Tuzle,
- Saglasnost za pribavljanje vodnih akata broj: 317/25 od 22.01.2025. godine izdata od strane JKP „Vodovod i kanalizacija“ d.o.o. Tuzla,
- Saglasnost na lokaciju broj: 316/25 od 22.01.2025. godine izdata od strane JKP „Vodovod i kanalizacija“ d.o.o. Tuzla,
- Dokaz o uplaćenju federalnoj upravnoj pristojbi na zahtjev

#### B-Tehnička dokumentacija:

- Studija za izdavanje prethodne vodne suglasnosti za postrojenje za izgradnju objekta punionice tečnih deterdženata sa skladištem unutar kompleksa postojeće fabrike Dita, investitora „BINGO“ d.o.o. Tuzla urađena od strane „TQM“ d.o.o. Lukavac, maj 2025. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama o zahtjevu je dana 17.09.2025. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom listu „Oslobođenje“ objavljenom dana 16.09.2025. godine. U datom roku nije bilo pisanih izjašnjenja o planiranim aktivnostima iz zahtjeva. Na osnovu objave, oglašavanja u dnevnom listu „Oslobođenje“ investitor je na osnovu Zaključka o visini i roku za plaćanje posebnih troškova broj: UP-1/21-1-40-386-4/25 od 22.09.2025. godine uplatio iznos po računu broj: 25-3600-000135 dostavljen od O Media d.o.o., za troškove obavješćavanja javnosti putem oglasa.

Na osnovu uvida u raspoloživu dokumentaciju, utvrđeno je:

- Lokacija punionice tečnih deterdženata sa skladištem unutar postojeće fabrike DITA, se nalazi na zemljištu označenom kao k.č. broj: 15/1, 15/2, dio 72/1 i dio 72/3 K.O. Husino.
- Udaljenost predmetnog poslovnog objekta od regulisanog korita rijeke Jale je cca 330m.
- Unutar prizemlja planiranog objekta predviđeno je postavljanje tri prihvatna spremnika i tri spremnika mješača, dok će se sirovine za potrebe rada fabrike tečnih deterdženata biti korištene iz postojećih spremnika unutar postojeće fabrike Dita 1977 d.d. Tuzla.
- Navedeni mješači su potrebni za proizvodnju istog te rezevoari za prihvatanje gotovog proizvoda koji ide na punilice za punjenje na liniji za pakovanje te prostorija u kojoj će biti pozicionirane mašine predviđene za navedeno. U pitanju su 3 mješača od po 25 tona, prečnika 3 metra i 3 suda za prihvatanje od 25 tona, prečnika 3 metra. U sastavu objekta predviđeno je i skladište gotovih proizvoda i određene ambalaže za isto. Na galeriji je predviđena laboratorija za kontrolu gotovog proizvoda.
- Tehnološke otpadne vode će nastajati u samom postupku proizvodnje i to od: pranja radnog prostora i eventualno povremeno pranje procesne opreme. Kao tehničko rješenje za ove vode, obzirom na kvantitet i količinu (2,32 m<sup>3</sup>/po jednom pranju) predloženo je da se otpadni tok prikuplja putem linijske slivne rešetke i isti odvodi prema podzemnom spremniku bez preliva (zatvoren sistem). Zbrinjavanje bi se vršilo od strane ovlaštene firme.
- U Studiji je navedeno da se na predmetnoj lokaciji ne nalaze vodozahvati te da ista nije pod uticajem velikih voda ranga pojave 1/100 te da se predmetno poslovni objekat ne nalazi u zonama sanitarne zaštite izvorišta.

Predmetna aktivnost se nalazi na lokaciji za koji je izdato Rješenje o vodnoj dozvoli za ispuštanje tehnoloških otpadnih voda sa uslovima broj: UP-I/25-3-40-030-2/22 od 04.04.2022. godine, izdato od ove Agencije za pravno lice „BINGO“ d.o.o. Export import Tuzla „DITA 1977“ i usko je povezana sa istim te su uslovi za ispuštanje otpadnih voda propisani u postupku donošenja Rješenja o vodnoj dozvoli.

Osnovni podaci za izgradnju objekata i sama aktivnost u njima definisana je u Studija za izdavanje prethodne vodne suglasnosti za postrojenje za izgradnju objekta punionice tečnih deterdženata sa skladištem unutar kompleksa postojeće fabrike Dita, investitora „BINGO“ d.o.o. Tuzla urađena od strane „TQM“ d.o.o. Lukavac, maj 2025. godine.

Na osnovu utvrđenog činjeničnog stanja, a shodno članu 139. stav (1) tačka 3., a u vezi sa članom 111. Zakona o vodama, konstatovano je da sa aspekta sektora voda i priložene dokumentacije ne postoje zapreke da se podnosiocu zahtjeva, kao Investitoru, izda tražena prethodna vodna saglasnost, pa je donešeno rješenje kao u dispozitivu ovog Rješenja.

Uslovi za izdavanje vodne saglasnosti definisani su u tački 4. dispozitiva rješenja i isti trebaju biti obrađeni u investiciono-tehničkoj dokumentaciji, koju će Investitor dostaviti uz zahtjev i drugu potrebnu dokumentaciju za donošenje rješenja o vodnoj saglasnosti, shodno članu 114. Zakona o vodama.

Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13) ) te troškove oglašavanja u iznosu 170,24 KM u printanom mediju na nivou FBiH.


#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka: Ahmedić Behija dipl.inž.tehn.

Po ovlaštenju  
Rukovodilac Sektora za izdavanje vodnih akata



Nihad Pezo, dipl.inž.grad.

Dostaviti:

- „BINGO“ d.o.o. Tuzla, Bosanska poljana bb, Tuzla
- Ⓢ AVP Sava, ISV-vodna knjiga
- Sektor 40 – arhiva
- Oglasna ploča AVP Sava